

## MORGUNBLAÐIÐ

Stofnandi: Vilh. Finsen.  
 Utgefandi: Fjellag í Reykjavík.  
 Ritstjórnar: Jón Kjartansson.  
 Valtýr Stefánsson.  
 Auglýsingastjóri: E. Hafberg.  
 Skrifstofa Austurstræti 8.  
 Sími nr. 500.  
 Auglýsingaskrifstofa nr. 700.  
 Heimasímar:  
 Jón Kjartansson nr. 742.  
 Valtýr Stefánsson nr. 1220.  
 E. Hafberg nr. 770.  
 Askriptagjald:  
 Innanlands kr. 2.00 á mánuði.  
 Utanlands kr. 2.50 -  
 Í lausasölu 10 auro eintakið.

## Erlendir símfregnir.

Khöfn 15. apríl F.B.  
 Atlanshafsflugið.

Frá Berlín er símað: Þýska flugvælin Bremen fékk andviðri og hríð á leiðinni vestur yfir Atlantshaf. Lendingarstaðurinn er næstum því óbygð eyja milli Labradors og Newfoundland. Flugvælin laskaðist í landingunni. — Canadiska stjórnin hefir sent skip og flugvælar til hjálpar flugmönnum. Afreksverk þeirra hefir vakið almenna aðdáun víða um lönd. Mikill fögnuður í Þýskalandi og Ameríku. Hindenburg, forseti Þýskalands, Coolidge Bandaríkjaforseti, Cosgrave Írlandsforseti og Mackenzie King, forsetisráðherra í Canada, hafa óskað flugmönnum til hamingju með afreksverkið.

## Tillaga um ófriðarbann.

Frá Washington er símað: — Stjórnin í Bandaríkjunum hefir sent stórveldunum til athugunar tillögu um ófriðarbann, sem Bandaríkin og Frakkland sömdu árangurslaust um í vetur.

## Umhverfis jörðina á 44 dögum.

Palle Huld kom til Kaupmannahafnar í gær. Fór hann kringum hnöttinn á fjórutíu og fjórum dögum og setti met með ferðalagi sínu. (Palle Huld er fimtán ára gamall drengur, sem fór í þetta ferðalag að tilhlutan Kaupmannahafnarblaðsins „Politiken“, í tilefni af hundrað ára afmáli skáldsagnahöfundarins Jules Verne, sem samdi söguna „Umhverfis jörðina á áttatíu dögum.“ Mynd var af honum í Lesbókinni á dögnum.)

Khöfn 16. apríl. F.B.

## Nobile lagður af stað.

Frá Berlín er símað: Nobile er lagður af stað í pólförðina. Loftskip hans flaug frá Milano í gærmorgun, en lenti í morgun nálægt bænum Stolp í Norður-Þýskalandi. Hrepti loftskipið óveðar á leiðinni og veittist pólförumenn: erfitt að rata.

## Sporvagnaslys.

Í vesturhluta Berlínar varð mikil spurvagnaslys. Fimm menn biðu bana, en eitt hundrað og tuttugu meiddust.

## Langflug.


Frá París er símað: Frakknesku flugm. Coste og Letrix komu úr flugferð sinni kringum hnöttinn. Þeir fóru þó sjóleiðis yfir Kyrrahafið. Þeir voru sex daga á leiðinni frá Japan til Parísarborgar.

## Landskjálfti á Balkan.

Frá Sofia er símað: Tvær kirkjur og mörg íbúðarhús í bæjunum Philippopol og Tachirpan hafa eyðilagst í landskjálftum. Fjóru tíu og fimm menn beðið bana.

# Geir T. Zoëga

rektor.



Þjóðkunnur maður er í valinn hniginn.

Geir T. Zoëga rektor andaðist sunnudaginn 15. apríl eftir nær 4 vikna legu, á köflum allþungt hald inn. Hann hafði þá einn um sjötu-ugt og nokkra daga betur.

Geir Zoëga var fæddur á Bræðra parti á Akranesi 28. mars 1857. Foreldrar hans voru Tómas Jóhannesson Zoëga og kona hans, Sigríður Kaprasíusdóttir. Var hún ættuð úr Borgarfirði, en Tómas var sonur Jóhannesar Zoëga útgerðarmanns í Reykjavík og bróðir Geirs Zoëga kaupmanns, sem allir kannast við. Langafi Geirs rektors, Jóhannes Zoëga, var kaupmaður í Vestmannaeyjum, fluttist þangað frá Suður-Jótlandi, en ættin mun vera ítölsk aðalsætt að langfeðgatali, og margt þektra manna er af henni komið í öðrum löndum.

Geir rektor misti föður sinn 1862, og tók þá föðurbróðir hans, Geir Zoëga kaupmaður, hann til fösturs og kostaði hann síðar til náms. Hann útskrifaðist úr lærða skólanum í Reykjavík 1878, tók næsta ár heimspékiþróf við Hafnarháskóla og embættisþróf í málfræði og sögu 1883. — Á námsárunum hjer í skóla og enda síðar, var hann mikið með útlendi- ingum, einkum enskum, sem túlkur og fylgdarmaður, og minnst jeg þess nú, að jeg las eigi alls fyrir löngu í einu dagblaðanna hjer í bæ hlýleg, elskuleg ummæli er einn af þessum gömlu samvistarmönnum hafði um hann haft.

Sumarið eftir að hann lauk þrófi, ferðaðist hann til Englands, en kom hingað til lands um haustið og varð þá þegar stundakennari við lærða skólann. Hann var settur kennari 26. sept. 1884 og fjekk veitingu fyrir embættinu 29. júlí 1885. Yfirkennari varð hann 14. okt. 1905, gegndi rektorsembættinu skólaárin 1913—14 og fjekk veitingu fyrir því embætti 3. júlí 1914. Frá nýári 1908 til loka skólaársins gegndi hann ekki kenslu- störfum vegna heilsuþrestra og fór þá utan. Kenslugreinin hans voru aðallega latína, enska og franska.

Hann kvæntist 6. des. 1884 Bryndísi Sigurðardóttur, kaupmanns í Flatey. Hún létst 4. des. 1924. — Þau eignuðust sex börn: Ein dóttirin, Ingileif, andaðist fyrir nokkrum árum, en hin lifa og eru þau þessi: Geir vegamálastjóri, Guðrún kona Þorsteins hagstj., Sigríður ljósmyndari, Áslaug, kona

Hallgríms Benediktssonar stórkaupmanns og Jófríður, enn í heimahúsum.

Geir rektor Zoëga hóf fyrst kenslu í lærða skólanum árið 1883, og hafði hann þannig gegnt því starfi í full 44 ár. Er það langur kennaraaldur, meira en meðal mannsævi. Fyrir tveim árum var hann þar staddur, sem saman voru komnir stúdentar, bæði nýbakaðir og aðrir, sem lokið höfðu stúdentsþrófi fyrir 25 og 40 árum, margir af þeim gráir fyrir hærnum og einhverjir þeirra uppgjafa-embættismenn. En allir þessir menn höfðu verið lærisveinar Geirs rektors!

Það er löng og ljýandi starfsemi, sem Geir rektor hafði að baki sjer. Það vita þeir best, sem til þeirra starfa þekkja. Og þótt hver dagur verði öðrum líkur, þegar litið er aftur á langa ævi, þá er auðvitað að svo hefir ekki verið. En þótt eitthvað kunni að hafa mætt Geir rektor mótdrægt í kennarastarfsemi hans, þá hefir hann líka vafalaust haft þar margar ánægjustundir. Og aldrei minnst jeg að hafa heyrt hann kvarta eða bera sig upp undan neinu er að starfi hans laut. Hann var líka svo gerður, að ásteytingarsteinarnir hafa hjá honum orðið færri en hjá mörgum öðrum. Hann var gæddur glöðlyndu, jafnaðargeði og hugarrósemi, fjaslaus og æðrulaus og var hið mesta lipurmenni í umgengni við alla. Í kenslu hans hygg jeg að þess hafi gætt mest að öðru leyti, að hann var með afbrigðum skýr maður, glöggur á veitir og bláþræði, en þó umburðarlyndur.

Í meir en 14 ár veitti hann forstöðu Mentaskólanum — því að svo hjet hann alla hans stjórnartíð. Ekki hefir þar hver dagur verið öðrum líkur heldur, og sitt af hverju hefir ábjátað, en flest þó smávægilegt. Eða sú varð oftast niðurstaðan að lokum. Geir rektor hafði lag á að eyða misklið og deilum og naut þar lipurðar sinnar og umgengnisþýðleika jafnt við nemendur og kennara. Ber það ljósan vott um hug nemenda til hans, hversu vel þeir mintust af mælis hans í fyrria. Hitt er eigi að undra, þótt sitthvað smávægis kunni að hafa úr lagi færst hin síðari árin, enda er skólinn nú svo fjölskipaður orðinn, að húsakynnin hrökkva ekki til, og fer þá margt í ólestri, sem betur mætti fara. En víst er um það, að Geir rektor vildi jafnan heldur líta á það, sem hann taldi affærast, heldur en hitt, að sýna af sjer stjórnsama röggsemi í svipinn.

Geirs rektors verður minst með hlýjum hug, meðan allir þeir eru uppi, ungir og gamlir, sem haft hafa af honum kynni. En löngu eftir að þeir eru undir lok liðnir lifir enn nafn hans vegna þess verks, er hann vann í hjáverkunum. Jeg á við orðabókastarfsemi hans. Hann hefir samið þrjár orðabækur: ensk-íslenska (1896, 2. útg. 1911), íslensk-enska (1904, 2. útg. 1922) og orðabók yfir fornmalíð íslenska með enskum þýðingum (1910). Eru þessar bækur eigi litið afrek, einkum tvær hinar fyrri, því að enginn metur það verk rjettilega, sem ekki veit eða gættir þess, hversu verkið var erfitt, er það var unnið. Hann var forgöngumaðurinn á þessu sviði, því að þótt ýmis orðasöfn væru út gefin á undan, eru þessar tvær bæk-

## Nokkra menn

vantar til að hnýta þorskanet.

O. Ellingsen.

## Ný komið:

Allskonar lifandi Bláðplöntur.

Blómstrandi blóm í pottum.

Útsprungnar rósir.

Afskorið grænt.

Hvergi meira úrval.

Blómaverslunin Sóley.

Sími 587.

Bankastræti 14.

Sími 587.

## Þakpappa

frá Phömi fengum við með E.s. Island.

Sama lága verðið og áður.

Eggert Kristjánsson & Co.

Símar 1317 og 1400.

## Nýkomið:

Stórt úrval af tilbúnum krönsum.

Thuja, Lyng, Kransabönd.

Einnig fást kransar úr lifandi blómum með stuttum fyrirvara.

Blómaverslunin Sóley,

Sími 587.

Bankastræti 14.

Sími 587.

## Sumargjafir fyrir börn.

Brúður (dúkkur) ág. 1.50. — Skip 0.75. — Brúðusett 1.45. — Hestar 1.00. — Bilar, stórir 2.25. — Myndabækur 0.50. — Spunakonur 1.50. — Boltar 0.50. — Manicure 2.00. — Kubbar 1.00. — Burstasett stór 4.10. — Lúðrar 0.50 og alskonar leikföng nýkomin.

## K. Einarsson &amp; Björnsson.

Bankastræti 11.

Sími 915.

ur fyrstu orðabækurnar um ný-íslenskt mál, er því nafni mega nefnast. Alt var þetta gert í hjáverkunum, eins og áður er sagt, og eykur það ekki lítið á hróður hans. En fyrir því fjekki hann unnið verkið, að hann hafði þá kosti til að bera, sem ekki verður án verið, ef vel á að fara, svo sem ágæta málakunnáttu — hann mun hafa verið einhver hinn lærðasti maður í báðum málunum, ensku og íslensku — glöggskygni á merkingar og næma smekkvísi. Þessara kosta gættir alstaðar í bókunum og gerir þar betri en nokkuð annað, sem samið var áður eða um líkt leyti af því tæi. Hitt þarf ekki að minna á, að bækurnar voru ekki stærri en svo, að ofætlan væri að ætla sjer að finna þar alla skapaða hluti. Auk þessara höfuðverka gaf Geir rektor út kenslubók í ensku handa byrjendum, sem notuð hefir verið um langan aldur nær eða alveg eingöngu.

Geir Zoëga var meira en meðal- maður á hæð og samsvaraði sjer vel. Dökkur var hann á brún og brá framan af ævinni, og leyndi sjer ekki, að ekki hafði aðeins nor- rænt blóð runnið í æðar honum. Síðustu ár ævinnar gerðist hann

## Unglingastúkan „Bylgja“ nr. 87

heldur hátíðlegt afmæli sitt í kvöld í Góðtemplarahúsinu kl. 8 síðl., aðeins fyrir meðlimi sína, eldri og yngri.

Aðgöngumiðar að skemtuninni verða seldir í Góðtemplarahúsinu frá kl. 1 í dag, og kosta 50 auro. Meðlimir sýni um leið skírteini sín.

Framkvæmdarnefndin.

mjög hærskotinn, en að öðru leyti var hann líkur því, sem áður var, hvatur og ljettur í spori. Vjer, sem nánust kynni höfðum af honum allra vandalausra, samkennarar og nemendur, kveðjum hann með vinarhug og vottum hon um liðnum þakkir vorar.

J. Óf.

Æfifjelagi í S. í. hefir nýlega gerst Þorgils Guðmundsson, fimleikakennari, frá Valdastöðum í Kjós. Og eru æfifjelagar nú 64 að tölu.

Morgunblaðið 6 síður í dag.

Stúdentar fagna sumri annað kvöld á Hótel Island. Mikill gleðskapur í vándum þar að vanda.